

ЛЕНИНЭНЬ КИЯВА

ВЛКСМ-нь Мокшэрзянь обкомонтъ ды Саранскоень ошонь комитетэнь газетаст

ДЕКАБРЯНЬ

15 чи,
1935 ие

№ 134 (485)

ЛАС: 8-11 11
ЧАСЪ МТЭД

Течи панжовсь од тейтерь-авань конференция

ПОКШ ПОЗДОРОВТ ЗНАТНОЙ ОД ТЕЙТЕРЬ-АВАНЬ ВАСЕНЬ КОНФЕРЕНЦИЯНЬ ДЕЛЕГАТКАТНЕНЕНЬ

ВАСЕНЬЦЕ КОНФЕРЕНЦИЯ

Минек неень шкань Мокшэрзянь од тейтерь-аватне а содасызь мокшэрзянь авань седикелень проклятой эрямонзо, сонзэ прававтомо-чинзэ, неграмотностензэ семиясо урень положениянзо, зярдо сонзэ судьбасонзо, часиясонзо ды эрямонзо распоряжались эрва кить.

Минек од тейтерь-аватне а содасызь капиталистэнь мастортнэсэ авань позорной, прававтомо положениянзо, косо эщо атак ерто омерзительной, постыдной фразасы: „авась аволь ломань“. Чудовишной вачо-чись ды проституциясь—вана кодат аватнень-пролетаркатнень мрачной спутничасть буржуазной мастортнэсэ.

Капиталистэнь мастортнэсэ авань савкшны а лисемс мирденень ды а улемс эйкакшонь авакс, ансяк секс, штобу ванстомс эстензэ кши сускомо, секс, што Германиясо, Швециясо, Италиясо ды лия масторсо те шкас эщо яла узаконенной миненек чудовишнойкс марьяция коесь: лисить мирденень, кадык роботат...

Ансяк Октябрюн ине революциясь ды колхозной строесь оляс менстизь авань пингед-пинген урекс-чистэнт, прававтомо-чистэнт ды аволь культурностэнт эйстэ. Ансяк Ленинэнь-Сталинэнь партианть национальной виде политикась аравтызе мокшэрзянь авань минек социалистической ине родинанть полноценной ды полноправной строительнень рядс.

Минек республикасонть ламо сядо тыщат тейтерь ды од ават, конат пед-пав саизь кедьс-коморс техниканть, невить трудонтень социалистической отношениянть при-мерт.

Мария Демченко, Дуся Виноградова мельга молициякс Мордовиясо кармасть улеме Галина Тихонова, Мария Митяйкина, Маюя Чудайкина, Тюрина Поля Т. Голованова ды ламо лият, конат васеньцекс ке педизь од стахановской движенианть знамянзо.

Мокшэрзянь сядот тейтерь прядыть рабфак, пединститут, комвуз, техникумт ды лия учебной заведе-ния.

Седе весила ды седе вадра кармасть улеме эрямось, пек седе парсте моли роботась. Ней зярдоак уш мекев а велявты седикелень, ташто, проклятой шкась. Масторнок кеместэ, уверенной тэ эськельди коммунизмань маршалонт, народтнэ ине вожденть Сталин яланть ветямонзо коряс коммунизмантень.

Человечестванть историясонзо васеньцекс робочей классось ды колхозной крестьянствась чалгасть радостной, зажиточной ды культурной эрямос.

Но минек улить эщо зярыя асатыксэнек. Минек республикань весе комсомолонтень ды сех пек ОНО-нь

работниктнэнень покш визьксэкс ашти се, што Мордовиясо те шкас эщо улить мокшэрзянь сисем тышчадо ламо неграмотной од тейтерь ават.

Минек республиканть эщо ламо велесэ арасть якстере уголок, клубт, ловнома-кудот. Минек тейтерьне пек ламонь таркава якить эщо яла кельяв, посиделкав, содов, рудазов баняв ды лияв, тосо када понгсь ютавтыть ютко шкаст.

Тосо, косо беряньстэ роботы комсомолось, косо од ломаньтне кадозь истяк, эсист мельс, тосо эрить эщо ташто пережиткатне, традициятне ды койтне, од тейтерь-аватненень хамской, пошлой отноше-ниясь, ды весе таштонть кеместэ кундси маскировазь классовой врагось. Классовой врагось тормозит стахановской движенианть, сон эрва кува, косо аштит шляпат, кургонь автницят, врагось тевс ютавты эсинзэ мерзкой, подлой тевензэ, сеедьстэ тылкади минек сех удалов кадовозь од ломаньтнень хулиганствас, винадо симемас, ды лия а паро тевс.

Классово-революционной бдительностэнь кепедемась, классовой врагонь тапазь пуло пельксэнзэ ды агентуранзо каршо бороямось од ломаньтнень, тейтерьтнень, сех пек мокшэрзянь од тейтерьтнень политической ды общей грамотностэ кепедемась—центральной задача весе ленинской комсомолонтень ды сынстэст од тейтерь-аватненень.

Знатной од тейтерь-авань конференциянть икеле аштит, верэ евтазтнеде башка, кавто основной задачат те—трудось ды культурась. Роботамс истя, кода роботыть Дуся Виноградова, Мария Демченко, истя, кода роботыть минек васень стахановкатне, конат невить трудонтень героической социалистической отношениянть образецт. Бороямс 7-8 миллиардт пондт зернань кис, зажиточной, культурной, валдо весила эрямонь кис.

Конференциясь карми вешеме правительстванть пельде сень, штобу маласо шкастонть овси маштомс неграмотностэнь ды малограмотностэнь, решамс советской, кооперативной, хозяйстве-ной ды комсомольской руководящей роботас од тейтерь-аватнень выдвигениянзо вопросонть, эйкакшонь воспитаниянть кис мелявтомато ды лият.

Правительстванть, комсомолонтень требованиягнень являвтоманть марто ве шкане од тейтерь-аватненень эряви топавтомс ВЛКСМ-ень ЦК-ань секретаренть Косарев яланть требованиянзо, косо сон корты: пользуйтесь комсомолонь полноценной членэнь правасонк, тынсь тапато стататнень, теинк тешкстазь цельтнень тевс ютавтоманть...

Делегатка Кенде велестэ

Жданкина Проска—республиканской од тейтерь-авань васень конференциянть делегатка. Сонзэ аволь ансяк Кенде велень колхозсонть, но мик Ичалкань райононт келес ловить знатной ломанекс, васень отличникакс.

Просканень ней 20 иеть. Эйкакшонь шкасто пек стакаль эрямозо, пек ламо нейсь нужда-горя.

Те эрямось мольсь 1930 иес. Велесэнтэ организовавсь колхоз. Проскань тетязо васня эзь арсеяк совамс колхозов, но 15 ие э тейтерькась синдизе единоличной хозяйствасо эрямонь ташто меленьт ды сын соваст колхозс. Ды кармасть тосо парсте роботома.

Мейле Проскань аравтызь фермас скалонь потявтыцякс. 1931 иестэнтэ Проска совась комсомолс.

Фермасо икелень скалонь потявтыцяне Проскань роботомаонь васень читнестэ кортнестэ:

— Вансынек, кода а кшуавтсызь те фермастонть... Яла теке уш а карми роботома тосо, сонсь оргоди...

Но неть кортницятне манявсть. Жданкина 4 иеть роботась фермасо ды сех парсте. Фермастонть васень читнестэ сонензэ ламо вий савсь путомс сенень, штобу парсте аравтомс весе тевенть. Сонзэ самс тосо ульнесь ламо навоз, якшамо ды лия асатыкст. Аламо шкадо мейле фермась кармасть улеме алкукс паро, лембе ванькс. Жаль ульнесь Просканень максомс эсинзэ вечкевикс 13 скалтнэнь лия потявтыцянень. Но савсь. Сонзэ аравтызь тов, косо беряньстэ мольсь роботась—вазонь фермав.

Тосо сон яки 6 ваз мельга. Кардось, косо эрить вазтнэ—ульнесь

берянь, арасельть вальмат, ведень лакавтома бак ды лия асатыкст. Но неть ней весе улить. Ней фермасть лембе, валдо, ванькс.

— Удомо аштеме а кадносынть руководителътнень. Тень вешан, тонань вешан, яла образцовыйкс тейтерь телятницанть...—кортни Проска.

Жданкина ялгась ульнесь колхозник-ударникень республиканской васень с'ездсэнть Тосо МАССР-нь ЦИК сь сонзэ казизе почетной грамотасо ды туфлясо. Колхозник-ударникень районной с'ездсэ сонзэ казизь Сталин яланть бюстсо ды 25 целковойт ярмакс. Эсист колхозонт пельде ламоксть получакишонь эрва кодат премият. Тедиде колхозось сонензэ макссь ваз.

Колхозсо роботомаонь перть сондензэ ламо трудочить эзь тейнекияк. Тедиде сон, примеркс, тейсь 520 трудочить. Нетьнень лангсь ськамонзо получаць 70 пондо суро ды ламо ярмакт.

Ды вана овси аволь умок, од тейтерь-авань районной конференциянть трибунант лангсто сон кортась ды пеедсь, пеедсь секс, што сонзэ мазый, паро, ушаксав эрямозо. Сон коргась:

— ...Эсинь изнявкстнэнь лангс а лоткан. 6 ваз мельга якамо а карман. Те визькс монень. Мон карман якамо 20 ваз мельга. Невтьсынек весенень сень, кодамо тевс способнойт минек родинанть тейтертне. Мон эсинек колхозонь фермантень трянкастан 100, кемень сядот паро скалт!

Мон ней беряньстэ сопан сермас. Карман тонавтнеме. Максан вал, што курок улян грамотоекс.

А. М.

КОМСОМОЛОСЬ ЛИВТИЗЕ ЛОМАНЬКС

Шождянство, весе мештсьэнзэ лексесь 18 иесэ комсомолкась, Ичалкань МТС-нь знатнй, васень комбайнерка-тейтересь Рузайкина Соня сестэ, зярдо сон паксянь кораблясонть—комбайнасонть ульнесь тусто товсюронь иневедганть. Сон сестэ сеедьстэ арсесь, арси нейкак седе, што ансяк ней сон лиссь ломанекс, социалистической паксянь знатной коман-диртнэнь васень рядтнэс.

Соня, эсинзэ аволь покш пингсэнзэ ютавтсь вейке ие, конань сон сюды нейкак, кона иестэнтэ тейнэсь чепода тевтне сонзэ кармавтыть велявтомс весе се зыянтнэнь, конань сон тейнинзэ.

Соня повнясынзе снеть читнень, зярдо сон шпана, разбойник, вор марто салсесь ломанень ярмакт, питней вешат, зярдо сон орго-лесь ружия марто конвой икел-де, зярдо сон, штобу менемс оляс, кирнявтнесь бойкасто арды-ця скорой поездастэ, зярдо сон вирьсэ эрсесь цыган-вор марто, зярдо ресторансо симдтнесь ви-надо ламо ярмакт марто ломанть, штобу саламс ярмактнэнь ды тей-

несь лия а паро тевть, лия прес-тупленият.

Истямэ эрямось мольсь цела ие. Секс эсь икелензэ Соня аравтсь задача, штобу неень паро робота-сонзо эсь лангстонзо нармакс весе икелень преступленийт-нень.

1934 иестэ сон совась комсомолс. Кармасть роботома Ичалкань МТС-сэ. Комсомольской организа-циясь сонзэ кучизе комбайнер-кань курсов. Курстнэнь прядома-до мейле, сон мелят васень сезон роботась комбайнасо, ледсь 108 гек-тарт суро, Теде башка сонзэ ком-байназо пивсэсь 35 чить, робо-тась тракторсо. Соня тейсь 300 трудочить. Сурозо а ков теимс зярыя сон мии кооперацияв.

Райононь од тейтерь-авань васень конференцияонт сонзэ васеньцекс кочкизь республикан-ской конференциянть делегат-какс.

Соня макссь вал тонавтнемс се-денькак парсте комбайнанть, трак-торонть ды улемс сех паро ком-байнеркакс.

А. Мартынов.

МИНЕК ЗАДАЧАНОК

К. РОДИОНОВА ВЛКСМ-нь обкомонь секретаресь

Тече декабрынь 15-це чистэ Мокшэрзянь Социалистической Республиканы столицасонть панжови од тейтерь-авань республиканской васень конференциясь. Конференциясь должен улемс праздникекс аволь ансяк од тейтерь-аватненень, но весе комсомолонть, минек республикань весе од ломаньтненень Ансяк советэнь масторсо улить весе условияне национальностыненень олясто касоманть, культурань касоманть, конась формань коряс национальной, содержаниянь коряс социалистической.

Мокшэрзянь авань эрямосо покш перемена теевсь советэнь властень пингстэ. Мокшэрзянь авась икеле ульнесь аволь грамотной, эрясь чоподасто, арасельть кдаткак праванзо, сон ульнесь рабынякс.

Ней Мокшэрзянь авась меньстязь оляс. Сон строи од эрямо, касы политически ды культурно, роботы государстванть строямосо. Минек республиканть келес роботыть вель-советэнь председателккс 55 ават, эйстэст 22 мокшот-эрзят, Мокшэрзянь правительстванть членг 26 эйстэст 11 мокшэрзят.

Пиксайкина ялгась шачсь 1908 иестэ, мокшанка, колхозница роботы тувонь трицакс-кастыякс, сехте паро ударникакс, Мокшэрзянь правительствань член.

Кузьмина ялгась мокшанка, ророботась паксянь бригадань бригадирэкс, сонзэ бригадazo районсонть ульнесь икелев молицякс, ней сон тонавтни комвузсо, мокшэрзянь правительствань член.

Владимир Ильич Ленинэнь лозунгось: „Эрва кухаркась маштозо государстванть темень ветямо“ ютавтови эрямо чис.

Мордовиясь икеле ульнесь сехте отсталой ды некультурной областекс. Революциядо икеле Мордовиянь населениянть сермас содамось ульнесь 23,9 процентс, мокшэрзятненень ютксо жо 12 процент, мокшэрзянь населениянь эрва сядо ломаньс сермас садыцатнеде ульнесь 12 ломанть, бути жо саемс мокшэрзянь населениянь од тейтерь-аватненень, то тыща ломаньс, грамотс содыцат ульнесь 5—10 од тейтерь-ават, кить жо сын ульнесь? Нет ульнесь попонь тейтерь, кулакось, чуждой классо лисезь тейтерь, эрзянь тейтерень, труженицанть арасельть возмозжензэ, штобу улемс грамотнойкс.

Ней мордовиясь теевсь сплошной грамотностень республикакс, васень ступенень школасо тонавтниг 66540 тейтерь, эли жо весе тонавтницатненень числастонть 41 процент.

Аволь полной средней школатнесэ тонавтниг 15540 од тейтерь-ават, эли весе тонавтницатненень эйстэ 37,03 процент.

Техникумтнесэ васень курссо тонавтниг 418 од тейтерь, эли тонавтницатненень числанть эйстэ 45 процент.

Од тейтерь-аватне пештит ВУЗ-онь, техникумонь аудиториятненень, аволь дивакс неяви се, што ней аволь чуросто можна вастомс мокшэрзянь од тейтерь инженер, врач, агроном.

Но те минек не можот удовлетворить. Эряви туремс седе тов мокшэрзянь од тейтерь-аватненень высшей школав таргамонть кис.

Народонь вождень Сталин ялганть валонзо лангс од тейтерь-аватненень ютксо сехте паро ударницатне кармасть максомо трудонь седеяк покш производительность.

Котонинной фабрикань работницася Тюриня Поля, эрзя, ниле станоксто ютась роботамо 8 станокс.

Коммунистической партианть ды сонзэ ине вождень Сталинэнь, руководстванзо коряс совет-

ской од ломанть саить крепость дачат. мельга крепость, дивавтыть мирэнтэ зсисг геройствасост, сестэ, зярдок капитализмань, колониальной ды

Минек беряньстэ эщо аравтозэ комсомолонь райкомтнэнь ды пер-вичной организациятненень роботаст



СНИМКАСОНТЬ: Тюриня Поля Саранскоень васеньце стахановкась персонально тердезь од тейтерь-авань республиканской конференцияв.

пельс колониальной мастортнэсэ эщо яла виензы национальной гнетось трудиця массатненень прававтомо чис. Ансяк пролетариатонь диктатуранть пингстэ можна ульсь менстямс трудицятненень национальной гнетонть эйстэ ды алкукс оляс менстямс аватненень.

Мокшэрзянь авась — класстемо, социализмань обществань равноправной строицясь, минек мокшэрзянь тейтересь ютызе церань ды авань трудонть ютксо гранень. Бути икеле аватне роботыльть ансяк подсобной тевсэ—стыльть оршамо пель, пидильть панильть ярсамо пель, трильть-кастыльть эйкакшт, то ней мокшэрзянь аватне, тейтерьтне ертыть эсь лангстост удалов кадовоманть, буржуазной обществань икелень пережиткатненень, стить социализмань строицятненень васень рядтнэс. Колхозсо аватне ней занить главенствующей роль.

Мамаева (Акурьевка велестэ) тунда видема шкасто роботась плугсо сокицякс, тейсь 207 трудочить.

Мемсова од тейтересь те иестэнтэ тейсь 300 трудочить.

Петрякина Нина—тувонь трицараштыця бригадань бригадирэсь, 100 процентс ванстынзе туволевкстнэнь, сондедензэ икеле жо кулсестэ ламо тулевкст.

Ансяк колхозной строесь макссь мокшэрзянь аванть возмозженость стямс церанть марто ве рядс.

Мокшэрзянь од тейтерь-авань республиканской конференциясь должень теемс васень итог се роботанть, конань комсомолось теизе од тейтерь-аватне ютксо воспитательной роботадо ВЛКСМ-ень ЦК-анть решениянзо топавтеманть коряс. Конференциятненень истя жо эряви тешкстамс икеле-пелень за-

Мокшэрзянь од тейтерь-аватненень воспитаниянь коряс, се васняк невтеви сень эйсэ, што комсомолс аламо совить мокшэрзянь, сех лек аламо мокшонь од тейтерь-ават.

Областной комсомольской организациянть составсонзо улить эрзянь од тейтерь-ават—18,5 проц., башка районтнэсэ: Атяшевасо—15 проц., Игнатовасо—17 проц., Ичалкасо—21 проц., Кочкуровасо—21,7 проц. Областной комсомольской организациянть составсо мокшонь од тейтерь-аватнеде жо ансяк 12 проц., башка районтнэсэ: Рыбкинасо—5 проц., Ковылкинасо—6,4 проц., Краснослободскойсэ—8,5 проц., Ельниковсэ—9,7 проц.

Комсомолонть составсонзо мокшонь од тейтерь-авань алкине процентэс лиссь секс, што комсомолонь райкомтнэ мезексак эсть лово национальной од тейтерь-аватне ютксо роботань особенностненень.

Нет цифратне пек серьезнойстэ аравтыть вопросонть мокшонь ды эрзянь од тейтерь-аватне ютксо комсомолонть роботанзо сень коряс, штобу седе ламо од тейтерь-ават таргамс комсомолс. Мордовиясо улить эщо 7567 ломанть—сермас а содыця од тейтерь-ават. Наркомпросонтень ды комсомолонь организациятненень эряви примамс весе мератненень сень кис, штобу 1936 иень маень васень чинть самс пугтомс пе неграмотностентень. Неграмотностень маштомань коряс минь теидяно успех эсь роботасок сестэ, бути неместэ кунлыть те тевентень мокшэрзянь тейтерь-аватне педагогтнэ.

Политической ды общей образованиянть кастомась, од тейтерь-авань руководящей роботас выдвигениясь—ашти центральной за-

Ленань мелезэ—улемс Учительницако

Очкина Ленанень весемезэ ансяк 15 иегь. Сонзэ прясо шолконь паця, пилесэнзэ пилекст ды киргасонзо нарядт. Сонзэ раужо сельмензэ кенярдозь ды весепасто ванить раужо сельме чиркензэ алдо. Сонзэ якстере шеканзо коотыть сонзэ пародояк паро шумбра чидензэ.

Сон роботы темниковской райононь, чумартовской велень советэнь торфонь таргамо производствасо, сон республикань национальной од тейтерь-авань конференциянь делегатка.

Лена аламот тонавтнесь. Сонзэ валонзо аволь кеметь сон корты пелезь. Апак сода таркасо сон виздезь евтни эстедензэ.

— Монь мелем, тонадомс парстеловномо, штобу ловномс интересной, лама книгат, виздезь корты Очкина Лена.

Торфонь таргамосон роботы тегянзо марто ды роботы сондедензэ аволь беряньстэ.

Аволь умок Лена кармасть якамо чокшнень од ломанень школав. Роботамсто стака тонавтимась, но сонзэ виев мелезэ-изни весе неть стакатненень ды эряви меремс тонавтни парсте.

Оймсиа шкасто сон свал ловнома кудосо. Тосо весела. Морыть гармониясо, балалайкасо од тейтерьтне ды цератне морыть, киштить, веселасто ютавтыть оймсиа шкаст.

Лена а содасы эщо мелень молеманть, скушнанть. Сон свал весела ды а кода а веселгалемс истямо шкане, конань эрва чись пачти эярыя одт ды одт, интересной кулять. Сон содасы мезекс эри ды тонавть, эрямосонть сонзэ ули целезэ.

Виде сон теле эщо киненьгак а евтни. Сон исяк анокстызе пранзо, эзь арьсе евтамс теле киненьгак, но сонськак а соды кода те лиссь.

Лена Очкина евтнизе минек теде, што сонзэ мелезэ: улемс ды карми улемя учительницакс.

Д—В

Эрва чистэ веселгады эрямозо

Те иестэнтэ Чумартовской вель-советэнь „Якстере армия“ колхозонь колхозниктнэ (Темниковань район), эист колхозниканть Кяткина Марусянень максызь колхозной эйкакшонь яслянть ды садонть.

Тозонь заведующеекс Марусян аратвызь секс, што сон ударница, ламоксть сонзо премировизь ярмаксо, аволь умок жо тензэ макссть туво-левкс, ламо трудочинзэ.

Марусян кудосо ламо книгат яслядо, колхоздо ды минек мастордо. Сонзэ братозо начальной школань заведующей.

Кяткина Маруся тейтересь од ды мазый. Но сон ай арси мирденень лисеме. Сон арси тонавть, штобу седеньгак ламо содамс ды улемс седеньгак культурнойкс.

Кода икелев молиця колхозниканть-ударниканть—Марусян кочкизь республиканской од тейтерь-авань конференциянь делегаткакс. Сон тосо карми евтьнеме седе, кода сынст колхозсо зрить ды роботыть тейтерьтне, кода ютавтыть эсист ютко шкаст ловнома кудосо.

— Минек ловнома кудонь паро, весела, ванькс, лембе, ламо налксемат, газетат, журналт. Минь тесэ можом оймсемс ды веселгалемс—корты Маруся.

Зярдэ Маруся сы колхозов, сестэ эсь ялганстэнь карми евтьнеме мокшэрзянь колхозной герринятнеде.

Эрва чись сонензэ канды од, весела эрямо. Эрва чистэ паркстоми сонзэ эрямозо.

Б.

ТЕИТЕРЬ-АВАТНЕНЬ СЕДИКЕЛЕНЬ ЭРЯМОДОСТ

„ВЫВОД“

Крандаз икельксэнтень пиксэ кедьте сюлмсезь вишкине, допрок штапо ава, овси прок тейтерьне. Весе сонзэ рунгозо сэнэ ды якстере, кругловой ды кувакине петнав, тейтеренть керш мештезэ керязь ды сонзэ эйстэ чуди верь... Неяви што те авантэ рунгостонзо ватказь теине ды кувака кикс кедь, ды бульчом авантэ пекензэ ланга ку вать чавсть полинасо—сон пек таргозсь ды весе страшной сэнэ.

Крандазонть ашти сэрей цера ашо панарсо, раужо смушковой шапкасо, конань алдо, сонзэ конянозо керязь нурьгусть рижой черть; вейке кедьсэнь сон кирди ождятнень, омбоцесэнь локшо ды методически эйсэнь лоштни весть лишменть ды кавксть вишкине авантэ рунгонзо ланга, кона истяккак уш истя пек чавозель, што емась мик ломанень тусозо.

Тенень мерить—вывод. Истя мерить мирдетне эсист нитненень из менань кис; те бытовой картина, истямо кой,—ды тень мон неия 1891 иестэнтэ, июлень 15-це чистэнтэ, Кондыбоково велесэ, Харьковонь губерниясо, Николаевской уездсэ.

М. Горький.

Ютась иестэнтэкак ды икелень иетнестэяк

...Слободканть край э кудостонть, конань вакс минь лоткинек, лиссь тенек раздэзь оршамо пельсэ, тоштя ава ды кармась евтнеме эсь положениянзо. Сонзэ 5-йкакшонзо. Сех покш тейтерьненень 10 иеть. Кавтотне сэрэдить бульчом инфлуэнцасо. Вейке колмо иесэ церынезэ сэрэди, жарсо, ливтезь ушов ды ашти мода лангсо, кудонть эйстэ кавксоска эськельксэнь туро, вельтязь суманень раздэзь кадовиксэ. Сонензэ летке ды якшамо ули, зярдэ юты жарось, но яла теке седе вадра сень коряс, кода ниле аршинэнь кувалмсо кудынесэнь лондадозь каштомонть, рудазонть пуленть ды лия ниле эйкакштнэ марто.

Истямо положениасо сон ульнесь ютась иестэнтэкак ды икелень иетнестэяк. Ды истямо положениасо сон аволь ськамонзо.

Лев Толстой.

— Мерят а мерят миненек
Тон таго мезеяк
— Мерян, што а тевс кундыде—
Ава ютксо уцяскавонть
Вешнеме тынь цера...

— Весе а весе евтнить тон.
— Мезе тыненек эшо?
А сень ли тыненек евтнеме,
Што кавксть кудонек палсь,
Што колмоксть сибирской язвасо
Пазось тенек сакшнось?
Лишмень стака кирдинек минь;
Лишме ладсо монень
Савкшнось уксемс изамт!..
Пильгесэ мон а чалгсезян,
Пиксэяк мон а сюлмсезян,
Салмуксояк а пельнезян...

Мезе тыненек эшо?
А тынь тыненек ойдем невтемс,
Маряви эзинь машт—
Простямизь монь цера!

А пандот сырғасть таркастост,
А пандот прасть пря лангс
А паз пургинень налоса
Кежень пачк мештем порксызе,
Ланган сьтме, а неязикс

Оймень давол ютась,
Кода невьсак сонзэ?
Нарьгазь авантэ ланга,
Кода порксайзэ-чалгсезь гуйга
Васень эйкакшонь верь ютась,
Куломань кондат обидат
Ютасть ланган ды эзь пандовт,
Локшо ланган ютась!

Ансяко эзия варшта,—
Пасиба кулось Ситников,—
Визькс чинть, кона а идеви,
Весенде покш визьксэнтэ!
Монень сыде уцяскань кис!

А енсто, алят, теиде!
Моледе тынь чиновникнэнь,
Моледе тынь покш боярнэнь.

Моледе-инзоронтень,
Ават илядо токаяк,—
Паз неи! стяко карматад
Куломс якамо тынь!

Удось кедьсэнек бабине,
Эрямо чись те бабиненть—
Пазонь кис кирдема;

Ознось Исус пазонь вельксэ,

Ки рузонь келей масторсо эри вадрясто паросто

(Паэмастонть савекс)

Кузнесь Фаворской пандо пряс,
Ярдач эрькесэ зкшелясь...
Самай те светой бабинесь
Кортась-евтнесь монень:
„Авань уцяскань панжомат
Ертозь-каязь ки соды ков,
Сонсензэ пазонтькак!“

Аят—пустынянь эрицят,
Ават—цера нь а содыцят,
Церат—кигань ловныцят
Вешнить сынст—а муйсызь...
Емасть! арьсеме эряви,
Нилинзе кал...

Веригасо, сизезь,
Вачо пеке, кельмсезь,
Юташност пазонь ломаньтне
Пустынява, ошка,—

Кевкстнесь соцыця ломанень,
Тештень кувалт снартнесть ловмо
Таго арасть панжоматне!

Масторонть трокс кувалт ютызь,
Пандо пряс, мода ало
Вешнесть... Муевсть
Питнейде питнейтэ панжомат
Ды яла—сын а неть!

Савсть неть муезь панжоматне,—
Ульнекшнэсь пазонь ломаньнень
Покштояк покш кенярдкс,

Савсть панжоматне уренень;
Панжовсть урень темицатне,
Масторонь келес уктазевсть,
Уктасть виевсть, кенярдозь.

Авань, минек оля чинтень
Таго арасть панжоматне.

Пазонь вадрят-парт ломаньтне
Течинь чискак снартнить,

Ине вель потмакс валгонить,
Менелентень кузнить—
Таго арасть панжоматне!

Мон арьсян а муевитькак...
Кодамо кал сынст нилинзе,
Неть кортавозь панжоматнень,
Кона ине ведьга калось

Яки—сонсь пазось стувызе!“

Эрзякс сермадызе

Владимир РЯБОВ

Н. А. Некрасов

ЯКШАМ'АТЯ

Поэмасто савекс

Стакат колмо уцяскат ульнесть
судьбанть,
Васенцесь—уре экшес прят чиявтомс
Омбоцесь—авакс улемс уре церанть,
Колмоцесь—куломос уре кунсолос.
Неть колмо уцяскатнень весе
стакась

Руз масторонь авантэ лангс
прась.

Масторсонть эрва ки уцяскадо
бажилъ,

Пингетне ютыльть—эрва мезесь
лиядыль

Ве уцясканть пазось лиякстомс
стувыль

Крестьянкань казямс уцясканть.
Эрзякс сермадызе
Владимир РЯБОВ.

Пидезь репсэде дешува

„Тейтересь“ ульнесь аволь ансяк а
отвечаиця, но истя жо дешува существа,
те дешува-чись эшо седеяк
кастась сонзэ а отвечаикс-чинзэ.
„Тейтерьденть“ кортыльть: „пидезь
репсэде дешува“ эли „трешни-
кенть кис кавто“ ды тень коряс
максильть питне сонзэ услугатне-
нень. Дворовой ломаненть аламо-
коть питнензэ ловсть: васняк, сех
седесть, те ульнесь мастеровой
эли искусник, конань аволь уш
истя шождыне полавтомс. Омбо-
цекс, бути сонзэ эзь ульне ремес-
лазояк, то сон содылинзе бояртнэнь
коест, маштыль максомс брукат,
ульнесь сноровказо, маштыль—
кортамо ды лият. Колмоцекс, дворовой
ломаненть можнать максомс салда-
токс, икеле пелень набортнэнь
счест, ды квитанциянь лезэ марто
миемс.

Мезекскак истямок „тейтересь“
а маштоволь. Секс сынст беряньстэ
андстыкак, оршавтыльтькак нула-
валасо ды аламот максильть удомс,
сизевствь ды нарьгасть лангсост ма-
лав атак лоткесень роботасо.

Салтыков—Щедрин.

Цепть

Иинь лисинек потмоенонь пек-
шенъ келей алейс, кона, бульчом,
мольсь садонть куншкава ды сеске
жо сонзэ (аллеанть) лангсто неинек
ниле ават эли тейтерть кодамо
бути амазый, берянь оршамо пель-
сэ, кодамо бути ашкосот, киргасост
цепо марто, конат коцькиркамосо
урядасть кинть.

— Те мезе истя?—лицанзо полав-
тозь ды сынст лангс ванозь сер-
гедсь тетям.

— Ослушницат. Противницат.
Бояронть а кунсолыть,—уктазь
ды капшазь отвечаць управляюще-
есь.

Неть аватне эли тейтерьтне цеп-
тнес ульнесть тертязь покш пенька-
со, тумонь полинасо ды укссть
сынст эйсэ эсь мельгаст, кавонест
кедьтнестэ керьмандазь ашконть
маласо цепентень, конань лангсо
сын аштеть прок ласте, секс,
што сон (цепесь) ютыль сынст
пильгест ютова...

Друк вейке сэрей, раужо черень
пуло марто тейтересь эсь эйстэнзэ
ертызе коцькирякканть ве енов,
кавонест кедьсэнь кундась кирган-
зо маласо цепентень, истерически
кода бути а ломанькс, аволь лoma-
нень вайгельсэ серьгедсь ды—
„А понган мон тонет, а сави тетъ,
злодеентень нарьгамс, мон лангсо“
—пижакадозь прась моданть лангс
ды кармась прянь чавомо, прок
припадкасэ.“

С. Н. Терпигорев.

(Атава).

(„Потревоженные тени“).

Аниська бабань евтнимазо

Неень ладсо икелев школат ара-
сельть. Минек велесэ ульнесь шко-
ла. Тосо тонавтсь пьяница седой
диякон. Тонавтисть школасонть
ансяк церынетъ. Тейтертне школа-
со эсть тонавтни. Те ульнесь покш
позорокс снетъ шкатнестэ. Кона
тейтересь жо тонавтнись коть са-
лава—сень ловизь велень сядонь
целакок, нузякс-пинекс, робота-
монь а вечкицяк. Тетятне-аватне,
штобу а понгомс велень келес те
позоронтень, аволь ансяк кучнемс
тонавтнеме эсист тейтерес, но мик
тонавтиность тень кис эйсэст. Но
кой-кона тейтертне тень лангс эсть
вант. Сын салава организовакш-
ность эстет кельят ды салава то-
навтнесть тосо.

Истя ютнесь минек эйкакш чи-
нек, конась овси аволь истя ютни
ней.

17 эли 18 иес тейтертне сельме
крайсэсткак эзизь нексне ульят-
нень. Мейле мерьнекшнэсть тест
лиснеме ульцяв, якамс од цера
марто. Роштовасто тиньге пире
удалов якинек частиянь вешнеме,
якинек думамо. Кайсикишнынек но-
годсо, якинек орожитмо баняв,
оружияв-нинек сень кис, кить кар-
мить улеми минек мирденек. Но
мирдинень лисемадонть минек эсть
кевкснекшне. Кинь кинень понгсь

ды кода понгсь макстнисть мирь-
динень.

Мон вана монсь арсинь мирде-
нень лисеме Сэрей Микижнэнь.
Мон сонзо вечкиа. Сон монь ме-
льс тукшнось. Моньгак вечкимем
алась. Но монь эзимизь максо тен-
зэ. Эзимизь максо секс, што сынст
кудосо арасельть покшт, арасельть
атявт ават. Косо жо арась атявт-
ават, се кудо-югось аволь уця-
скав, мернисть, што снетъ кудот-
несэ кувать а кармат эрямо.

Мон тетянь икеле мик куманжа
лангс аштинь, энялынь, штобу
максовлимизь Сэрей Микижнэнь.
Но сон топадизэ пильгензэ ды
мерсь тень кежейстэ:

—Тевесэ аволь тонь, кинень
мелем, сенень и мэкстан.—Сонсь
тулкадимем икельдензэ. Мон стинь,
нардынъ сельведень ды туинь.

Ох, уш, ды мезь кортамс ике-
лень эрямотнеде. Неень койтнесэ,
мон те пеле-през мирдентэ марто
вейкеяк чи аволинъ эря. Эзь веч-
кеве сон тень ды весе.

Икелев жо седеяк беряньстэ
эрясть тейтертне. Мон сестэ эшо
вишканя ульнинь. Но повнясынъ
кода „лиснесть мирденень“; Тевесэ
ульнесь истя.

Примеркс церась вечксы тейте-
ренть, но тейтересь а вечксы це-

ранть, сонзэ арась мелезэ
лисемс мирденень се
церантень. Сестэ се церась сим-
дасынзе алганзо, кильди нурдт ды
туи-ялганзо марто се ульцянтень
косо се тейтересь. Лоткавсызь уль-
цянтэ вакс алашанть. Жинехесь
тейтеренть кундасы ды бац—нурдс
Тейтересь ранги, пажии. Но сон а
мени. Жинехесь лангсонзо ашти
ласте, ялганзо жо мезе вий панить
алашатнень. Валскенть истя жо
сонзэ укссызь церькував венчамо

Монь мирденть красаванзо истя
салызь. Но церькував венчамо
попось сонзэ кевкстизе:

— „Волей эли не волей молят?“
Одирьвась мерсь, што не волей

Сестэ сон ердынзе церькуванть
куншкас эсинзэ кокаензэ (венча-
монь наряд) ды напустясь церьку-
вастонть. Жинехес ськамонзо ка-
довсь церькувантень.

Те кулянтэ куток маризь велень
весе тейтертне. Ды теде мейле
сынсь пирева кармасть орголеме
мирденень снетненень, конатне
марто кортнекшнэсть, конатнень
вечкизь. Истя примеркс пире удал-
га мирденень орогдсь Варка па-
тям Тюгай Гаванень.

Мень уш эрямот ульнесть ике-
ле. Весе пингесэ ютась эрямонть
сюдозь.



Колаинанть маласо, Северской велесэнь, икелень Черкасской князьтнень усадьбасо организоваз Московонь ды Московской областень стахановецтнень оймсемань кудо.

СНИМКАСОНТЬ: стахановецтнэ Лиза Гурихина, Миша Ядыкин ды Федя Беликов кирякснить лыжасо.

Микшнесть ды полавтнестъ киска ланго

Московонть маласо, Пителинской районсо, ули Казановка веле, тосо эри Ларцевонь семья, кона ашти цела виле поколениясто — весемезэ 43 ломанть... Сех сырентнъ, Иван Александрович Ларцевнень 117 иеть... Те атысь евтнесь крепостной правдонть:

«Крепостной иетнестэ мон вете бояронь кедьсэ ульнинь. Коллежской ассессоронть Путиловонь кедьстэ «оляс» лисинь. Монь нилеце боярьос пек вечкиль кискат. Тейсь полавтома: монь—Путиловнень, эстензэ—киска сайсь. Мельсэнъ ашти, цела семья кисканть кис рамасть, сизьгемень кискань кис жо весе веленть максызь. Кискатнень минек, мужиктнень коряс седе пит-мейкс ловсть...»

Седе тов Ларцев евтнесь:

«Ульнесь эщо истя. Самбуров помещик-нть тоштят кармасть уле-ме киска левксэнзэ, сын не могли потямс кисканть эсист аванть ловсонзо. Боярьос кармасть мелявтомо. Кода улемс? Сон мерсь ветамс кудозонзо крестьянка, кона потявты эйкакш. Авака кисканть сюлмизь сельмензэ ды эйкакшонть аравтызь сонзэ алов ловсонь потямо. Авака кисканть сельмензэ сюлмизь секс, штобу сон аволь кежиявтне, эйкакшонть авась тосо жо ульнесь, вансь...»

Крепостной праванть пиньгстэ «Московские ведомости» газетасонть помещиктнэ печатасть примеркс истят яволявтнемат:

«31) микшнить ломанть, тейтерь 20 иесэ, машты кружалань кодамо, тамбурсо, настилкасо ды пофиле стамо, 200 целковойде, крестьянкой тейтерь 17 иесэ 100 целковойды крестьянонь цера 17 иесэ 400 целковойде...»

«7) нилеце Мещанскойсэнь 2-це квартиранть 15-це пельксэнзэ, 111-це № микшнить тейтерь, кона машты оршамо пелень стамо ды тумбурсо, глядамо ды крахмаламо, ды кэй-кода машты анокстам, ярасамо пель ды стыцяненъ. Тосо жо микшнить брильянтовой вещат ды цветной кевъ, да бука ды скалвадря породань, аволь покш пит-нень кис...»

ИГНАТОВАНЬ КУЛЬТУРНИКТНЕДЕ

Кудотнесэ уш палсть толт Мольсьчевте бурине. Лисинек ВЛКСМ-нь райкомсто. Сась превезэнь клубось ды арьсан: «Молимсэль бу клубов». Егоров (ВЛКСМ-нь райкомонь секретаресь) мольсь икедем, капшась кудов.

— Тон ков «капшт?» — пишкадынъ тензэ.

— Кудов.

— Натъ клубов а мольдяно? Эраволь бу варштамс.

— Клубов? Ха-ха ха, сон эзь шачнеяк минек. Клубонь коряс уш иля басы тесэ.

— Мекс истя?

— Ды секс, што арась. Сон видяк клубомо берянь, од ломантне бажить, штсбу улелель клуб, но кияк а мелявты сонзэ теаманзо кувалт, яла паро ды паро,—мерсь Егоров.

Каршонок мольсть балалайка марто знярыя од ломанть. Цератне тылкаестъ вейкест-вейкест, тейтертне морасть ташто моро. Эскельдысть улыцянтъ кувалт веленть омбоце пев.

Истямо тевесь Игнатовань районной центрассо. Сынст ули клуб алов помещениястак, но сонзэ витнеманзо коряс мелявтома арась. Мень совещания эли мезе, то пурнавить столовойс. Од ломантне вешить спектакль, но теамс а козонь Пегяцить райкомонь работниктнэ: «Кадоват тесэ эрмостонть». Нама, бути тынсь а мелявтало, штобу теамс клуб, стявтомс спектакль.

Уш бути карминек кортамо районной центрассо культурадонтъ, сави невтемс райкомонть потмонзояк. Соват тосо ашти телень пальтасо Егоров, стуки пильгсэнзэ кедензэ тонгозь ожазонзо,—видьстэ меремс стядо кельмат кабинетсэнзэ. Тедеш башка стенатнень весе порнизъ чеертне. Улить кой кодат книжкат кабинетсэнзэ,—сынъ валаить масторга. Весе комнотатнева ай ашти-ваткак якшамо, сы колхозникесь, а косо эжнемскак.

Весе вере невтезентъ кувалт райкомонь работниктнэ мезеяк эсть тее.

К.

Дикой койть

Нуязин Алексей Дегилевкань организациясонть ловови умонь комсомолецкс. Сон церась грамотной, развитой. Колхозонь производствасо ламо шкат роботакшнось ответственной участкосо—завхозо-кс.

Кортнить Дегилевкань од ломантьне:—«Алексей ц-рась икеле вад-ря ульнесь, колхозонь производствасо парсте роботакшнось, ды авторитетэзьяк од ломаньтнень тейтерь-аватнень ютксо ульнесь аволь вишкине.

Ды, виде, те истя икеле ульнесь. Кода ней? Ней сон пупордьясь те кинть лангсто. Теевсь жалкой, бес-

тидной ломанькс. Теевсь хамокс. Семиянь разратникекс. Ответственной должностысь каямодо мейлеседейстэ кармасть винадо симнеме. Ды бестыдностысь нинзэ лангс наргамо, чавномо.

Нуязин Дегилевкасо аволь съкамонзо, эйстензэ эзь кадови Луко-нькин Висьяк комсомолецэсь, ко-нась истя жо наргы нинзэ лангс, чавны эйсэнзэ.

Истят пошляктнень конат кир-дить дикойтнень, арась тарка комсомолс. Минь кемпано Березни-кенъ ВЛКСМ-нь райкомось прими маргест мерат.

В. А.

Клавдя Андронникова

Клавдя Андронникова махороч-ной фабрикань работница. Роботы буратной цехс махоркань суатни-цякс (просевошцицакс). Сон вад-ря общественница, активной ком-сомолка. Стахановка.

Икеле эйкакш пингстензэ Клав-дянь эрмо кизэ ульнесь стака. Пинсяк ней советской властенъ пингстэ сон чалгась уцяскав вал-до кинть лангс.

Вана мезь корты Клавдя эсин-зэ эйстэ:—«Мон шачинь рабочеень бедной семьяс. Тетясто кадовинь вишкинестэ. Стакасто эрвась, ламо майсемат ульнестъ. Махорочной

фабрикасонть роботан омбоце ме. Ноябрьнъ меельсэ читнестэ кар-минь роботамо стахановской мето-дсо. Выработкань нормам топавт-нян 120—130 процентс. Комсомол-кан. Совинь комсомолс 1927 иестэ.

Клавдя прок вадра производст-венница, комсомолсо ды профсо-юзсо вадрясто роботаминь кис ульнесь кучозь ошонь—райононь од тейтерь-авань конференцияс. Ошонь—райононь конференциясо сонзэ кочкизь делегаткакс од тей-терь-авань республиканской кон-ференцияс.

Отрядонтень эрви вожатой

Кочкурованъ р—н. Од Мурза ве-ленъ аволь полной средней шко-ласо ды васень ступенень школо-со улить пионер отрядт. НСШН-нь отрядасонть вожатоекс роботы Бо-рисова, конась косто косто куш тейни отрядной зборт, но сынъ ютыть аволь в-селасо ды а мак-

сыть кодомояк лезкс.

Васень ступенень школасонть жо арась вожатойгак, косо пионерэнь отрядос эль калады.

Тедеш соды ВЛКСМ-нь кочкуро-ванъ райкомось, но те шкас яль кашт моли.

Нестеров.

Устной евксосто саевкс

— Ну, ульнесь барщина... Наро-пось колмо чить роботыль бояр-нень, вейке чи эстензэ... Ломан-тнень полавтнестъ киска лангс. Кие карми ц е р а н з о урвансто-мо.—моли боярентень.


— М-рть,—келя,—урвакстемс монъ царентень.

Б я р о с ь максы тейтерь. Васень вестэнь жо сон мади тейтерентъ ваксс ды использует сонзэ...

Телентъ весе аватнень карма-тылизь бояр-нень котост кодамо Мик сетненьгак, конат сэредильть.

Эрвантень эрвась кодамс ды бе-лямс комсь ветее аршинт котст. Аванть жо улить эсинзэ эйкакшо-зо, семиязо Монь уряжень миизъ киска лангс. Панизь ковбути Мос-ковонь томбале. Боярьос таго, оля-тензэ ульнесь, мезе мелезэ, сень-теиль мартонзо...

(Евксось сермадозь Ставропольсэ)



Весесоюзонь стахановецтнень «со-вещаниянь участница» Татьяна Одинцова родниковской «Больше-вик» комбинатонь ткачихась (Ивано-вск, обл.) ноябрынь 24-це чистэ са-езь роботы 216 станоксо. Сон сме-назонзо макссь 1349 метрат мале-скин.

СНИМКАСОНТЬ: Одинцева Татъ-яна манфактурань кипанть ваксо, конань сон максызе ве сменас.

84 станоксо

Ленинград Дзержинский лемсэ-фабрикань ткачихась, комсомол-кась «стахановка» Маруся Фо-мина, кона казезь Трудовой як-стере знамянь орденсэ, те ине-казьненъ лангс, конань тензэ мак-сызь партиясь ды правительст-вось, отечи роботань производи-тельностьнень од рекорпт. Фомина стахановской методс ютамодо мей-ле те шкакс роботась 54 станоксо, декабрынь 15-це чистэнь карми-роботамо 84 станоксо.

Весе масторлангонь од рекорд

Харьков. Харьковонь трактор-ной заводонть стахановецтнэ де-кабрынь 11-це чистэнь тейстъ ве-сесмасторлангонь од рекорд. Ротамонь сисем часос нолдазь 200 тракторт. Эрваа 2,1 минутасто-конвейерэнь лангсто валгиль вейке трактор. 200 трактортнэ-ка-ествань коряс весе парт.

Украинань сех вадра пионертиз казезь УССР-нь ЦИК-нть грамотасо

Киев. Эйкакшонь коммунисти-ческой тевсэ кувать шканъ ды пре-данной роботань кисэ Украинань 10 пионер вожатойть казезь УССР-нь ЦИК-нь грамотасо. Казезт-нень ютксо улить комсомолкат ко-натне роботыть вожатойкс кеме-ненъ-кемень иеть Трегубова К. И. Вилькевич О. С. (Киевсэ) Тира-поля ошто Соня Шапир пионер-кой роботань 11 иеть стаж марто. Харьковской областэсэ казезь Ни-колаенко О. И. Шуличенко А. А. Стажост эрванть 9 иеть, Вапу-ева К. А. 7 иень стаж марто ка-зезь почетной грамотасо Донбас-сонь сех вадра пионервожатойне: Поля Гальперина Днепрогесэнь вожатой, Басис А. А. стажозо 8 иеть, Пушкина Х. Т. Одесской областэсэ ды Винницкойсэ Чер-ван О. Я

Ответ. редакторось М. ЛЮБАЕВ